


禮書卷第三十二


禹貢五服

周九服

侯國及采邑貢賦之法 賦稅征斂之辨

禹貢五服  
千里





書益稷曰弼成五服至于五千禹貢曰五百里甸服百  
里賦納總二百里納銍三百里納秸服四百里采五百  
里米五百里侯服百里采二百里男邦三百里諸侯二  
百里采五百里荒服二百里蠻二百里流東漸于海西  
被于流沙朔南暨聲教

周禮大司馬以九畿之籍施邦國之政職方千里曰國  
畿其外方五百里曰侯畿又其外方五百里曰甸畿又  
其外方五百里曰男畿又其外方五百里曰采畿又其  
外方五百里曰衛畿又其外方五百里曰蠻畿又其外  
方五百里曰夷畿又其外方五百里曰鎮畿又其外方  
五百里曰蕃畿職方氏乃辨九服之邦國方千里曰  
王畿其外方五百里曰侯服又其外方五百里曰甸服  
又其外方五百里曰男服又其外方五百里曰采服又

其外方五百里曰衛服又其外方五百里曰蠻服又其外方五百里曰夷服又其外方五百里曰鎮服又其外方五百里曰蕃服行人邦畿方千里其外方五百里謂之甸服歲一見其貢嬪物又其外方五百里謂之男服二歲一見其貢服物又其外方五百里謂之采服六歲一見其貢其貢材物又其外方五百里謂之衛服五歲一見其貢貨物 國語先王之制邦內甸服邦外侯服侯衛賓服夷蠻要服戎狄荒服甸服者祭侯服者祀賓服者享奠服者貢荒服者王日祭月祀時享歲貢終王先王之訓也有不祭則修意有不祀則修言有不享則修文有不貢則修名有不王則修德序成而有不享則修刑於是乎有刑不祭伐不祀征不享讓不貢告不王於是乎有

刑罰之辭有攻伐之兵有征討之備有文告之詞布令陳詞而又不至則增修於德而無勤兵於遠是以近無不聽遠無不服荀子曰諸夏之國同服同義蠻夷戎狄之國同服不同制封內甸服封外侯服至荒服終王比與國語夫是之謂視形勢而制械用稱遠近而等貢獻是王者之事也王制曰千里之內曰甸甸千里之外曰采曰流注甸者服治田出穀稅采者九州之內地取其美物以當穀稅夏之服甸侯綏要荒周語曰先王規方千里甸侯王制自甸至荒九五服服五百里則甸二千五百里矣面二千五百里則為方五千里矣書曰甸五百里侯甸男采衛蠻夷鎮蕃自侯至蕃九九服服五百里則面二千七百五十里矣面二千七百五十里則為方五千五百里矣


蓋夏服先甸後侯而甸即畿也周服先侯後甸而畿非侯也夏之侯以當周之侯甸而綏以當周之男采周之衛蠻以當夏之要而夷鎮以當夏之荒特蕃服在禹貢之外然則周之斥大中國不過增夏五百里而已書曰荆成五服至于五千此夏五服之域也東漸于海西被于流沙朔南暨聲教此夏盡外也孔安國司馬遷王肅之徒其說皆然特鄭康成謂堯之舊制服五百里及禹輔而成之服加五百里則而相距為方万里故禹會諸侯於塗山執玉帛者万国是不知經傳凡言万国者舉盈數也孔穎達謂地理志言漢之土境東西九千三百二里南北萬三千三百六十八里其言山川不出禹貢之域而數不同者直而計之以鳥迹而景之以人迹異耳此說是也王制曰西不盡流沙東不盡東海南不盡

衡山比不盡常山九四海之內斷長補短方三千里蓋漢儒記六國之時地域然也然則康成之誤不特貢而已其言夏衰夷蠻戎狄內侵國數於少商湯受之中國方三千里周公復唐虞之舊域要服之內方七千里者四十九其一為畿內餘四十八州各方千里者六設法一州方五百里不過四方四百里者不過六方三百里不過十一方二百里者不過二十五餘方百里者謂之小國又餘方百里者四十一附庸地也然職方之法蓋兼附庸言之安有四十六國之外復有百里者四十一為附庸乎周之設法州建百四十六國而附庸在焉王制州二百一十國諸侯之附庸不與非周制也王制言凡四海之內九州州方千里州建百里之國三十七十里之國六十五十里之國百有二十九二百一

十國名山大澤不以封其餘以爲附庸間田八州州二  
百一十國天子之縣內方百里之國九七十之國二  
十有一五十里之國六十有三九九十三國名山大澤  
不以盼其餘以祿仕以爲間田然後揔之以九九州千  
七百七十三國天子之元士諸侯之附庸不與則一代  
之禮也康成以八州州二百一十國爲商禮以天子之  
縣內九十三國爲夏禮或矣天子之地或曰甸或曰畿  
曰圻或曰縣曰寰而後世猶有縣官之稱孰謂畿獨施  
於商周而縣獨施於夏乎康成溺於禹會萬國之說嘗  
曰夏縣內四百國又曰夏縣內九十三國是自戾也

侯國及采邑貢賦之法

諸公之地其食者



大司徒諸公之地其食者半侯伯之地其食者三之一  
 子男之地其食者四之一鄭司農以食者半為半之於  
 公半入於王三之一為一入於侯伯二入於王則大國  
 貢輕小國貢重康成以食者半為王食其半三之一為  
 王食其一則大國貢重小國貢輕然春秋傳曰天子班  
 貢輕重以列列尊貢重周之制也卑而貢重甸服也由  
 此言之以為大國貢輕則異夫列尊貢重矣以為小國  
 貢輕則又有卑而貢重矣二者之說皆非周制鄭氏又  
 謂采地食者皆四之一百里之國九四都而王稅以一  
 都五十里之國九四縣王稅以一縣二十五里之國九  
 四甸王稅以一甸不知何據而言耶然則所謂食者半  
 則食不食之地各半也其食者三之一則不食之地二  
 食之地一也其食者四之一則不食之地三食之地一

侯伯之地其食者三之一  
 子男之地其食者四之一

--	--	--	--	--

也先王制地不必其實如此蓋以德尊者國大而祿重故其地嫩德卑者國小而祿輕故其地惡於是取其大率而爲之法耳然則所謂食不食者非制貢之數也此與大司馬上地食者三之二中地食者半下地食三之一司勳九頒賞地三之一食其受地之法同

賦稅征歛之辨

周官司書言賦而終之以九稅歛掌交言九稅而餘官言九賦司徒言征而繼之以賦載師言征亦終之以賦則征賦者稅歛之惣名征稅者賦之別稱歛者賦征稅之事而已荀卿曰刀布之鈔田野之稅關市之征此又對言之然也周法邦中之賦則園廛二十而一四郊之賦則近郊十一遠郊二十而三邦甸采衛邦縣邦都之賦皆無過十二若夫關市山澤之賦蓋十一而已凡此

非出於口率也鄭康成釋太宰謂賦口率出泉也今之算泉或謂之賦然算泉之法特出於後世先王之時無有也卿大夫以歲時登其夫家之衆寡辨其可任者國中自七尺以及六十鬻自六尺以及六十有五皆征之征之者役之也與禮記所謂征於鄉征於學之征同義康成亦以征之爲口率非是



禮書卷之三

力政

方伯連帥之職

軍制

蒸卒

力政

大司徒

大軍旅大田役以旗致萬民

鼎




人若起野役則以遠之大旗致民



大夫以旗致民

鄉師九門一田及加切以司徒之大旗致衆庶也  
氏曰司徒致衆庶者以能虎之旗此又以之明爲司  
徒致之大夫致衆當以鳥隼之旗賈氏曰大司徒既  
是鄉官尋常建壇在軍建能虎旗既是大夫官尋常  
建壇在壇下明在軍當以鳥隼之旗在能虎之下



小宰以官府之八成經邦治一曰聽政役以比居

鄭司農  
去政謂

軍政役謂發兵起徒  
役比居謂伍籍也大司徒大軍旅大田役以旗致萬民而治

其徒庶之政令小司徒上地家七人可任也者家三人

中地家六人可任也者二家五人下地家五人可任也者家二人九起徒役毋過家一人以其餘為羨唯田與追胥竭作九國之大事致民大故致餘子鄭司農云餘子謂羨也玄謂餘子鄉大夫之子當守於王宮者也大軍旅帥其衆庶小軍旅巡役治其政令大喪帥邦役治其政教鄉師大役則帥民徒而至治其政令既役則受州里之役要以考司空之辟以逆其役事鄉大夫之職以歲時登其夫家之衆寡辨其可任者國中自七尺以及六十野自六尺以及六十有五皆征之其舍者國中貴者賢者能者服公事者老者疾者皆舍以歲時入其書國中城郭中也晚賦稅而早免之以其所居復多復少野早賦稅而晚免之以其復少復多鄭司農云征之者給公上事也舍者謂有服除舍不收役事也貴者謂若今宗室及閥內侯皆復也服公事者謂若今吏有復除也老者謂若今八十九復羨卒也疾者謂若今癘不可事者復之玄鄉師大役則帥民徒而至治其政令州長若國作民而師田行役之事則帥而致之掌其戒令

其其實四書黨正九作民而師田行役則以其法治其政事族師若作民而師田行役則合其卒伍簡其兵器以鼓鐸旗物帥而至掌其治令戒禁刑罰縣師若將有軍旅會同田役之戒則受法于司馬以作其衆庶及馬牛車輦會其車人之卒伍使皆備旗鼓兵器以帥而至遂人若起野役則令各帥其所治之民而以遂之大旗致之九事致野役而師田作野民帥而至掌其政治禁令遂師作役事則聽其治訟鄙師九作民則掌其戒令以時數其衆庶察其燬惡而誅賞縣正若將用野民師田行役移執事則帥而至治其政令稍人若有會同師田行役之事則以縣師之法作其同徒輦輦帥而以至治其政令以聽於司馬鄭長若作其民而用之則以旗鼓兵革帥而至大司馬簡稽鄉民以用邦國九令賦以地與民

制之上地食者三之二其民可用者家三人中地食者  
半其民可用者二家五人下地食者三之一其民可用  
者家二人大役與慮事屬其植受其要以待考而誅賞  
齊司農云植謂部曲將吏故宋城春秋傳曰均人九均力政以歲  
辛元為植巡功屬謂聚會之也要者簿書也上下豐年則公旬用三日焉中年則公旬用二日焉無  
年則公旬用一日焉凶札則無力政王制曰用民之力  
歲不過三日司空典事任力九使民任老者之事食壯  
者之食五十不從力政六十不與服戎八十者一子不  
從政九十者其家不從政廢疾非人不養者一人不從  
政祭義曰五十不為甸徒論語曰使民如承大祭孟子  
曰有布縷之征有粟米之征有力役之征君子用其一  
緩其二用其二而民有殍用其二而父子離詩大東曰  
東國困於役北山曰役使不均

古者府史胥徒有常職而民不與焉其所與者軍旅田  
役而已故任之以地之嫩惡辨之以國野之遠近均之  
以歲之上下小司徒上地家七人可任也者家三人中  
地家六人可任也者二家五人下地家五人可任也者  
家二人此任之以地也鄉大夫國中自七尺以及六十  
野自六尺以及六十有五皆征之此辨之以國野也均  
人九均力政以歲上下豐年則公旬用三日中年則公  
旬用二日無年則公旬用一日凶札則無力役此均之  
以歲也上地食七人中地食六人下地食五人而任之  
者僅半而已蓋以下養上則不足以上養下則有餘故  
九起徒役又無過家一人所謂施從其厚事舉其中  
與食壯者之食任老者之事同意七尺六尺征之以其  
才六十六十有五舍之以其齒國中近而役多故晚征

而早舍野遠而役少故早征而晚舍欲使勞逸輕重均而已與近郊什一遠郊二十而三甸稍縣都無過十二同意力政有征於鄉有征於司徒征於司徒則公用之也故豐年公旬用三日則是歲用二十七日中年公旬用二日則是歲用十有八日無年公旬用一日則是歲用九日而已以均力政在歲成之後惟用於冬之一時故也其作之也在鄉則族師以鼓鐸旗物帥而至六司徒以鄉之大旗致之在遂則鄰長以旗鼓兵革帥而至遂人以遂之大旗致之蓋鄉百家為族遂百家為鄰百家然後致之以旗鼓則下於百家者非必旗鼓也司徒之於六鄉遂人之於六遂以鄉遂之大旗致之則族師鄰長之旗非大旗也鄉有鄉官致之遂有遂官致之至於邦國都鄙甸稍郊里之地縣師又備旗鼓以致之

則所統有其人所會有其地所治有其法此所以如臂使指而無不率從也其不從者國中貴者賢者能者服公事者老者疾者皆舍又八十者一丁不從政九十一者其家不從政廢疾非人不養者一人不從政父母之喪三年不從政齊衰大功之喪三月不從政將徙於諸侯者三月不從政自諸侯徙家其脊不從政然則分之以義也舍之仁也義故民忘其勞仁故民悅其德此所以北山不均之刺不作於下而餘力之頌曰聞於上也世踐更之法雖丞相之子不免戍邊非所謂舍貴者

絳之老人辱在泥塗非所謂

老者也豈可與議先王之法哉周禮均人無年之力猶至九日王制用民之力歲不過三日非周禮也知六二國賦之役至於六十六十有五王制曰五十不致力

祭義曰五十不為甸亦非周制也然六十不與服戎  
恐周亦然班超傳曰古者十五授兵六十還之韓詩說  
三十受兵六十還兵其受兵早晚雖殊其六十還兵之  
也

方伯連帥之職

周官六卿分職各率其屬以倡九牧周禮太宰乃施典

于邦國而建其牧立其監設其參傳其五陳其殷置其

輔以侯伯有功德者加命作州長謂之牧所謂八又曰牧以地得

民大宗伯曰八命作牧謂侯伯有功德者加命得專征伐於諸

九命作伯上公有功德者加命為二伯得征五大司馬建牧立監

以維邦國職方氏九邦國大小相維王設其牧掌交

九牧之維詩苑立序曰衛侯不能前方伯連帥之職

芄黍苗曰四國有王師伯勞之詢禮五官之長曰伯

職方其攢於天子也曰天子之吏天子同姓謂之伯父

姓謂之伯舅自稱於諸侯曰天子之老於外曰公於其

國曰君九州之長入天子之國曰牧每一州之中天子選諸

天子同姓謂之叔父異姓謂之叔舅於外曰侯於其國

曰君牧尊於大國之君而謂之叔父辟二伯也亦以此為尊禮式

王之後其在東夷北狄西戎南蠻雖大曰子謂九州之外長

不為牧諸侯之賢者以為之子備牧也入天子之國曰天子亦於內自稱曰

不穀於外自稱曰王老王制千里之外設方伯五國以為

屬屬有長十國以為連連有帥三十國以為卒卒有正

二百一十國以為州州有伯八州八伯五十六正百六

十八帥三百三十六長八伯各以其屬屬於天子之

老二人分天下為左右曰二伯左傳曰五侯九伯汝實

征之

州二百一十國伯一人

伯

州二百一十國伯一人

州二百一十國伯一人

州二百一十國伯一人

州二百一十國伯一人

伯

州二百一十國伯一人

州二百一十國伯一人

州七之而為卒卒三十國一正則州七正矣卒三  
之而為連連十國一帥則州二十一帥矣連二之  
而為屬屬五國一長則州四十二長矣八州八伯  
五十六正百六十八帥三百三十六長

古之官有常名有異名內而為比長間師族師黨正  
州長鄉大夫此常名也及任以師田之事則為軍將  
師帥旅師卒長兩司馬此異名也外而為侯  
伯子男此常名也及寓以連屬之法則為屬長連帥  
卒正州伯此異名也屬則繫其人連則結其眾以其  
民之眾足以禦卒然之變故謂之卒以其地之廣有  
達于重川之遠故謂之州屬有長則足以長五國而  
已未足以率十國之眾故連有帥帥足以率十國而  
已未足以正三十國之眾故卒有正正足以正三十

國而已未足以長二百一十國故州有伯見為長  
者才也帥人者智也正人者義也長人者仁也易曰  
體仁足以長人則外之八伯內之二伯皆以其能  
仁故也蓋王者有分土無分民建萬國所以分其土親  
諸侯所以合其人不分其土則其守不專不合其人  
則其勢不一王制言凡九州千七百七十三國分其土  
也繼之以方伯連帥之法合其人也周官大司馬比  
小事大以和邦國職方氏凡邦國大小相維者此也  
古者什伍之法於州鄉則聯其民於師田則聯其徒  
於宿衛則聯其官故能以中國為一人而無內患為  
屬連卒州以聯其國為長帥正伯以聯其又故能以  
天下為一家而無外虞然不惟其官惟其人則法行  
而事舉詩曰四國有王郇伯勞之是也非其人則法

雖存而事廢詩序曰衛侯不能脩方伯連帥之職公羊  
傳曰下無賢方伯是也方伯連帥之職周道故書與  
周禮伯皆稱牧者蓋自內言之則屈於二伯故稱牧  
周官大宗伯八命作牧曲禮九州之長入天子之國  
曰牧是也自外言之則伸於諸侯故稱伯王制謂方  
伯之國是也虞十二州則十二牧夏九牧左氏曰夏之方  
有德也貢金  
牧周九州則九伯而王制言八州八伯則王畿之內  
不建伯焉鄭氏以為商制是也然周牧伯之名見於  
經傳多矣連帥特見於詩序若夫五國之屬於經無  
聞左傳曰晉侯享公請屬鄭豈周所謂連屬歟公羊  
傳曰自陝以東周公主之自陝以西召公主之書曰  
畢公率東方諸侯入應門右太保率西方諸侯入應  
門左此所謂九命作伯者也與商所謂天子之老二



人一矣周有九伯則畿內蓋亦設牧而六字言施典于邦國設其牧者以牧之所設主為邦國故也康成釋詩謂周之制使伯佐牧蓋以傳所謂五侯者五牧也九伯者佐侯之伯也孔穎達申之以為一牧之下二伯然質之於商州伯之下無二佐則周州牧之下無二伯

軍制

大國三軍

三萬七千七百五十人

次國二軍

二萬五千人

小國一軍

萬二千五百人

周官大司馬主六軍大國三軍次國二軍小國一軍春秋傳曰成國不過半天子之軍諸侯之大者三軍可也蓋天子六軍而將之以六卿大國三軍而將之以三卿周三等之國以地言之公侯百里大國也伯

七十里次國也子男五十里小國也以國家宮室車旗禮儀言之上公以九為一節大國也侯伯以七為節次國也子男以五為節小國也然軍之多寡係地之廣狹而公侯之田皆百里則皆三軍矣魯於周為侯而地方百里頃稱公徒三萬此大國三軍之數也春秋襄十一年作三軍昭五年舍中軍則魯之三軍蓋嘗變於僖公之後至襄而復作至昭而又舍也左氏曰季武子作三軍三分公室而各有其一杜預曰魯本無中軍於公有事三卿更帥以征伐季氏欲專其民人故假立中軍公羊曰三軍者何三卿也何譏爾古者上卿下卿上士下士何休曰襄公委任強目乃益司馬作中卿官踰王制故設之穀梁曰古者天子六師諸侯一軍作三軍非正也啖氏曰天子六軍大國三之一小國半大國數不必常所以示稱國語曰季武子為三軍叔孫穆子曰不可

今我小侯也處大國之間繕貢賦以共從去猶懼有  
討若為元侯之所以怒大國無乃不可乎弗從遂作  
中軍自是齊楚伐討魯襄昭皆如楚由此觀之魯於  
春秋之時尊事齊楚為不暇則其國次國而已不且  
復作三軍作三軍非正也故春秋書作以譏之作猶  
作僖公主之類也及舍中軍以起於禮又書以正之  
公羊曰舍中軍復古也穀梁曰復正也其說是也然  
穀梁言天子六師諸侯一軍啖氏言天子六軍六國  
三之一小國半大國其制與周禮不合是臆說耳春  
秋之時王命曲沃伯以一軍為晉侯莊十其後晉作三  
行以增上中下而當六軍則世衰禮廢大夫僭諸侯  
諸侯僭天子不足恠也

羨卒

小司徒上地家七人可任也者家三人中地家六人可  
任也者二家五人下地家五人可任也者家二人九起徒役母過家  
又以其餘為羨唯田與追胥竭作九國之大事致民大  
故致餘子鄭司農云餘子謂羨也玄謂餘子卿大夫之子當于王  
言者賈公彥曰此謂六鄉之內上劑致壯一人為正卒  
其餘皆為羨卒若六鄉之內以下劑致壯一人  
為正卒一人為羨卒其餘皆為餘夫饒遠故也遂人以下劑致壯  
以下劑為率謂可任者家二人賈公彥曰六鄉上劑致民  
六遂下劑致壯六鄉上地無業六遂上地有業是其異也鄉大夫老  
者皆舍鄭司農云老若若公劉劉詩曰其軍三單  
箋云卻台

封大國之制三軍以其餘卒為羨今公劉遷於豳  
民始從之下夫適滿三軍之數單者無羨卒也

古者國有遊倅田有餘夫軍有羨卒皆所以副其正  
也六鄉以三劑致民上地家七人可任也者家三人  
中地家六人可任也者二家五人下地家五人可任  
也者家二人九起徒役母過家一人以其餘為羨則  
一人為正卒餘可任者皆羨卒也六遂以下劑致民

上地可任家三人中地可任二家五人而皆以下地  
二人任之則一人爲正卒一人爲羨卒其餘不預所  
以優野人也惟田與追胥場作鄉遂皆然以田獵禽  
獸人所同欲追伺盜賊人所同惡故也羨卒亦謂之  
餘子則餘子自私言之羨卒自公言之故也詩曰其  
軍三單先儒謂公劉始遷於豳無羨卒是也

禮書卷第三十三

禮書卷第三十四

九州

九州所宜

五土所宜

星分

土分

禮言共工霸九州黃帝書言地有九州則堯以前也  
 州耳至舜之時洪水泛濫通道阻塞乃釐下土方  
 居方肇十有二州分冀為幽并分青為營州封十有  
 二山建十有二牧然後政教之所加貢賦之所出育  
 所統焉及水土既平禹又即舊域而辨之以為九州  
 故書言禹別九州傳言貢金九牧則肇十有二州不  
 在治水之後矣孔安國謂禹治水之後始置十有二  
 州誤也禹貢先冀次兗以治水始於近也周官先揚  
 次荆以治地先於遠也商書言九有之師商頌言奄  
 有九有武于九圍王制於商亦言九州千七百七十  
 三國則商之九州蓋亦襲夏而已先儒以爾雅之九  
 州為商制於義或然然禹貢有徐梁而無幽并爾雅  
 有幽營徐而無梁并青周禮有幽并而無徐梁則周

之時徐梁入於青瑯而析莖於幽并矣至漢武帝南  
 置交趾北置朔方之州兼徐梁幽并夏周之制改雍  
 曰梁改梁曰益凡十三部則地域之判合因革固不  
 常也班固曰冀州民多曠牧李巡曰兗信也徐舒也  
 楊輕也荆強也豫舒也雍墜也冀近也謂兩河之間其情性相近  
 論俗方之情性大槩或然然以冀為近則與班異矣  
 蓋民生天地之間其剛柔緩急繫水土之風謂之風  
 好惡取舍隨君上之情欲謂之俗故太平之人仁丹  
 穴之人智太蒙之人信倥侗之人武秦人上氣力先  
 獵射燕人少思慮多輕薄凡此皆地使之然也  
 陳楚之信巫重祀衛之巫會流淫魏之薄恩生公曰  
 之高富下仕韓之推剽踴躍燕之輕色急人之詐  
 詐不惰吳粵之好劍輕死朝鮮貴正信

廉耻而尚禮義宋多君子而好稼穡凡此皆俗使  
 然也班固以鄭俗流淫孽於陜險之所居以揚州多  
 士本於淮南王之所化是知鄭風所刺之由職方  
 氏所辨之異也

九州所宜

冀州 土白壤 田中中 其利松柏 其民五男三女

兖州 土黑墳 田中下 其利黍稷 其民五男三女 其利蒲魚

青州 土白墳 田下 其利魚鹽 其利蒲魚

徐州 土赤墳 田中 其利五色 其利蒲魚

揚州 土塗泥 田下 其利金錫竹箭 其利五色 其利蒲魚

荊州 土塗泥 田中 其利丹銀齒革 其利五色 其利蒲魚

豫州 土惟壤 田中 其利漆絲象 其利五色 其利蒲魚

梁州 土青黎 田下 其利鐵銀鑠器 其利五色 其利蒲魚

雍州

土黃壤 甲上 貢珠琅玕織皮 其利玉石 其民一男二女 其畜牛馬

其穀宜黍稷

五地所宜

山林

毛物 阜物 民毛而方

川澤

鱗物 膏物 民黑而漆

丘陵

羽物 穀物 民專而長

墳衍

介物 莢物 民哲而瘠

原隰

羸物 叢物 民豐而庠

書禹貢冀州厥土惟白壤厥田中中兗州厥土黑壤  
田中下厥貢漆絲厥篚織文青州厥土白墳田上下  
鹽絺海物惟錯岱畎絲枲松栝石厥篚檠絲徐  
土赤埴墳田上中貢土五色厥篚玄織縞揚州厥土  
泥田下下貢金三品厥篚織具豫州厥土惟壤下土  
壚田中上貢漆枲絺紵厥篚織纊錫貢磬錯梁州

黎田上下貢璆鐵銀鏤器磬熊羆貔羆織皮雍州厥土  
黃壤田上上貢球琳琅玕周禮職方氏揚州其利金錫  
竹箭其民二男五女其畜宜鳥獸其穀宜稻荊州其利  
丹銀齒革其民一男二女其畜宜鳥獸其穀宜稻豫州  
其利漆絲枲其民二男三女其畜宜六擾其穀宜五種  
青州其利蒲魚其民二男二女其畜宜鷄狗其穀宜稻  
麥兗州其利蒲魚其民二男三女其畜宜六擾其穀宜  
四種雍州其利玉石其民三男二女其畜宜牛馬其穀  
宜黍稷幽州其利魚鹽其民一男三女其畜宜四擾其  
穀宜三種冀州其利松柏其民五男三女其畜宜牛羊  
其穀宜黍稷并州其利布帛其民二男三女其畜宜五  
擾其穀宜五種大司徒以土會之法辨五地之物生一  
曰山林其動物宜毛物其植物宜阜物其民毛而方二

曰川澤其動物宜鱗物其植物宜膏物其土黑而津三  
曰丘陵其動物宜羽物其植物宜穀物其民壽而長四  
曰墳衍其動物宜介物其植物宜蕪物其民智而瘠五  
曰原隰其動物宜羸物其植物宜叢物其民豐且肉而庫  
以上均之法辨五物九等制天下之地征九等駢剛載  
師掌任土之法以物地事物物色之以土均掌平土地之  
政以均地守以均地事以均地貢草人掌土化之法以  
物地相其宜而為之種凡糞種駢剛用牛赤緹用羊墳  
壤用麋渴澤用鹿鹹濕用貍勃壤用狐埴壚用豕疆墾  
用蕒輕墾用犬土方氏以辨土宜土化之法而授任地  
者土宜謂九穀種植所宜也上化地之輕重糞種所宜用也任地者載師之屬鴻列子曰土地各以  
其類生是故

山氣多男澤氣多女障氣多暗風氣多龍林氣多

水氣多偃岸下氣多腫石氣多力險阻氣多瘴暑氣多  
天寒氣多壽谷氣多痺丘氣多狂衍氣多食  
輕土多利重土多遲清水音小濁水音大湍水人輕遲  
水人重堅土人剛弱土人肥壚土人大沙土人細息土  
人羨耗土人醜汾水濛濁而宜麻濟水通和而宜麥河  
水中濁而宜菽雒水輕利而宜禾渭水多力而宜黍漢  
水重安而宜竹江水肥仁而宜稻平土之人慧而宜五  
穀爾雅曰太平之人仁丹穴之人智太蒙之人信倥侗  
之人武禮記王制凡居民材必因天地寒燠燥濕廣谷  
大川異制民生其間者異俗剛柔輕重遲速異齊五味  
異和器械異制衣服異宜脩其教不易其俗齊其政不  
易其宜中國戎夷五方之民皆有性也不可推移東方  
曰夷被髮文身有下火食者矣南方曰蠻題交趾有

不火食者矣西方曰戎被髮衣皮有不粒之者矣北方  
曰狄衣羽毛穴居有不粒食者矣中國夷蠻戎狄皆有  
安居和味宜服利用備器五方之民言語不通嗜欲不  
同達其志通其欲東方曰寄南方曰象西方曰狄韃北  
方曰譯

大司徒以土會之法辨五地之物生以土宜之法辨十有  
二土之名物以相民宅而知其利害辨十有二壤之物而知  
其種以教稼穡樹藝鄭氏曰以萬物自生焉則言土  
土猶吐也以人所耕而種藝焉則言壤壤和緩之貌  
也孔安國曰無塊曰壤蓋無塊其質也和緩其性也禹  
貢冀州白而壤雍州黃而壤豫州厥土惟壤則壤色赤一  
而已壤與墳埴塗泥雖殊而墳埴塗泥亦壤中之小  
別耳此所以禹貢摠言三壤而周官摠言十二壤也

墳其起者也埴其粘者也壙其跡者也禹貢有墳壙  
孔安國鄭康成皆以壙為疏蓋有傳然也禹貢壤墳  
塗泥青黎各繫一州此言其大致而已然則草人土  
化之法凡地預有之也凡地高者宜黍稷下者宜稻  
麥山氣多男澤氣多女東南多絲纈西北多織皮先  
王之於民因其地以施教順其俗以行政山者不使  
居川澤者不使居中原居山者不以魚鼈為禮居澤  
者不以豕鹿為禮駢剛之地糞種不以羊赤緹之地  
糞種不以牛然後五方之民各安其性樂其業而無  
偏弊之患此大司徒土均載師土方氏草人所以有  
功於天下也



天有十二次日月之所躔地有十二辰王侯之所國  
 大司徒辨十有二土十有二壤保章氏以星土辨九  
 州所封封域皆有分星以觀妖祥蓋九州十二域或  
 繫之北斗或繫之二十八宿或繫之五星則雍主尉其  
 主樞青充主機揚徐主權荆主衡梁主開陽豫主  
 此繫之北斗者也星紀吳越也玄枵齊也姬訾衛也  
 降婁魯也大梁趙也實沈晉也鶉首秦也鶉火周也  
 鶉尾楚也壽星鄭也大火宋也析木燕也此繫之二十  
 八宿者也歲星主齊吳熒惑主楚越鎮星主主于太白  
 主大呂辰星主燕趙代此繫之五星者也然吳越南  
 而星紀在丑齊東而玄枵在子魯東而降婁在戌東  
 西南北相反而相屬何耶先儒以謂古者受封之日  
 歲星所在之辰其國屬焉觀春秋傳凡言占相之術

以歲之所在為福歲之所衝為災故師後梓植禪龜  
之徒以天道在西北而晉不害歲在越而吳不利歲  
淫玄枵而宋鄭饑歲弃星紀而周楚惡歲在豕章而  
蔡禍歲及大梁而楚凶則古之言星次者未嘗不視  
歲之所在也梓植曰龍宋鄭之星也宋大辰之虛也陳  
大皞之虛也鄭祝融之虛也皆火房也衛高陽之虛  
也其星為大水以陳為火則大皞之木為火母故也  
以衛為水則高陽水行故也子產曰高辛氏有二子  
伯曰閼伯季曰實沉居於曠林而不相能后帝不戒  
遷閼伯於商丘主辰商人是因故辰為商星是實沉  
于大夏主參唐人是因故參為晉星然則十二地之  
所主亦若此也班固曰丙丁江淮海岱戊己三州河  
濟庚辛華山以西壬癸常山以北一曰甲齊二曰乙

丙楚丁南夷戊魏己韓庚秦辛西夷  
子周五翟寅趙卯鄭辰邯鄲己衛午  
酉魯戌吳越亥燕代北又以方位辨州土也

禮書卷第三十四



Handwritten text and faint markings on the right page, including a vertical line and some illegible characters.

